

SOTERIA REGI, ET

Ecclesiæ Anglicanæ,

Cujus Primatum Reverendissimo

DOMINO

Gulielmo Sandcrofto, &c.

Fœliciter commissum, sine omni fūco gratulatur, & inter epulas publicas in Ædibus LAMBETHIANIS hæc quasi Musarum bellaria obtulit

LUDOVICUS à Fonte VIRGINEO. *Mailwell.*

Quis furor insolitas movit sub pectore vires,
Sopitosque diu renovavit *Apollinis* ignes.
Nam neque *Parnassi* vidi juga, nam neque vestros,
Dicite *Pierides*, à longo tempore fontes.
Jam pridem Dominis *Cyrrhæ Nysæ*que relictis
Aoniam ignoro, nec non tua saxa, *Cithæron*.
Non umbras mihi *Granta* diu, nec flumine *Camus*
Divino concessit aquas: verum enthea Virtus
Excitat ignotum non oppugnanda Poetam.

Lucentes animi motus, & gaudia mentis
Irrequieta, hodie quis vinclo, & carcere frœnet.
Ite mei affectus, scelus est inhibere volantes.
Parce precor lato, Veneranda Ecclesia, nato
Et parvis permitte Parens altaria cingi
Muneribus, Pueri properate, & spargite templa

Flore novo, & lauru victrici ornatæ columnas.
 Cultori concede tuos resonare triumphos,
 Et trahere auratum vestra ad Capitolia taurum.
 Quàm Te depereo, Mater Dulcissima, nostrum
 Gloria, & attoniti fortunatissima Mundi
 Invidia, O valeas, multos amplexa nepotes,
 Et largæ tumeant semper tibi lacte mamillæ,
 Læta Deum partu, videas *Berecynthia* Mater
 Qui pugnare audent, & debellare Gigantes,
 Quamvis septeni sit confidentia Montis.
 Multum olim damni, multum perpeffa doloris
 Impia dum miseros vexat discordia cives,
 Et dira ingratos infania fascinat agnos.
 Crudelis lacerat tam culta novæ alia miles,
 Et videt heu *Thamesis* scelerato *Præfulis* ædes,
 Has ædes populo obsessas, sed carmina dicunt,
 Et Patrem, mœstasque per uda sedilia Nymphas
 Deplorasse scelus, lacrymis turbasse fluentum,
 Penè etiam delapsam urnam fregisse dolentes.
 At dum Sancta Parens aberas, flevere capellæ,
 Te ficci fontes, Te sicca arbuſta vocabant.
 Sic tandem patriæ sortem miseratus iniquam,
Pan custos conjunxit oves, oviumque Magistros.
 Demonstrant placidum mutata pericula Numen,
 Et defæcatum procedit ab igne Metallum.
 Centum ora, & centum linguas ex more rogarem,
 Quò possim dignas cœlo persolvere grates.
 Ah nunquam tantos condant nox atra favores,
 Nec pereat *Caroli* peracuta memoria Primi.
 Dormite immemores, tacitique recumbite Manes,
 Et fileat parvâ serò dilectus in urnâ,
 Qui nobis à tergo affulſit numinis instar.
 Nequicquam fletus orbata *Britannia* fundis,
 Hæc pendenda prius nec perpetranda fuissent.

Sola parentandi via restat, & unica Patris
 Solvendi exequias, si Nato iusta rependas:
 O Divi *Caroli* sincerum exemplar, & hæres,
 Quanta tibi *Cæsar* debetur gloria, qualis
 Laus remanet, sacris dum Rex longè optime rebus
 Consulis, & veteri pro religione laboras.
 Declinat casus prudentia tanta futuros,
 Provida nec refugit venienti occurrere morbo.
 Sit memor ut *Carolo* reddat sua vota quotannis
 Posteritas, quia sic placuit committere claves.
 Magnum *Sheldonium* excepit *Sandcroftus*, ad unguem
 Factus homo, egregius pro summo Præsule Præsul.
 Phoenix *Sheldonius* recipit per funera vitam,
 Emeritosque artus foecundâ morte reformat.
 Aureus alter adest, hæres ex asse relictus,
 Vivit idem ingenium, totidem convivia linguæ,
 Contingit mites iterum exhaurire lepores
 Innocuosque sales, dum scanderet astra, videtur
 • *Sheldonius*, vivo Genium tribuisse Prophetæ.
 Non illum ambitio, non illum erexit honoris
 Ægra fitis, nec avara suæ jejunia Mitræ,
 Non aliquis Procerum Regis detrussit in aurem
 Callidus, & latè dotes expressit amici,
 De coelo potius monuerunt somnia Regem,
 Et quò proveniant foelicia tempora Sponsæ,
 Aliger æthereis hominem detexit ab oris.
 Quanta Viri, qualisque sui victoria! Regi
 Opposuit, metuitque ingentia pondera doni.
 Illum iratus honor meritò castigat, & ultro
 Viribus admotis cunctantem gloria vestit.
 Multum agros amat, & notas desiderat ulmos,
 Unde ex urbe libris indulget, & otia curat,
 Otia quæ nobis præsentia numina reddunt,
 Et revocant Mundo astrictas placidissima Mentis.

Cognovere diu Fauni Dryadesque puellæ,
 Vidit & alma Pales volventem plurima nostrum
 Pastorem, sed ne Pastor dignissime, digni
 Pœniteat pecoris, reverenda insignia forti
 Sume manu, fascesque tene Trabeate Sacerdos,
 Interfisque diu sacram exornare Curulem.
 Non aliter posito properat Dictator aratro
 Qui bellum inferret pro libertate Latinis,
 Et pecudum ritu, sua sub iuga mitteret hostes.
Sandcroftus Numa noster erit, cui præbet honores
 Insignis pietas, tibi læta *Britannia* Vestam
 Donabit, flammæque æterni accendet amoris,
 Quò tibi Palladium, nec non Ancilia regnis:
 Nempe Decanus adhuc *Pauli* numeratur, ad illud
 Exemplum, in terris, pro Christo mille labores
 Suscipiens, nostri dicetur Apostolus Orbis.
 Jam nimium dilecta Parens Ecclesia, festos
 Cerne dies, sobolemque piam, quæ sponte Parenti
 Cerea submitter, nec mollès ipernet habenas.
 Quis non gauderet, tortos componere mores,
Sandcrofti ad vitam, vel quæ sententia flecti,
 Cum Magicæ audiret nervosa oracula linguæ.
 Quando iterum plenæ moderantem frœna Capellæ
 Adspiciam in rostris, auresque oculosque tenentem.
 Auriti lapides se declinare feruntur,
 Ex studio sudare, haud in statione retenti,
 Ac si *Thebanos* audissent Marmora cantus.
 Hic longè arcebit teneris à vitibus apros,
 Vel sacrâ citharâ devinciet *Anglicus Orpheus*,
 Ille lupos fera *Roma* tuos, ursasque domabit
 Fœda *Geneva* tuas. Jam rupto robore molles
 Procedunt homines, & fert rubus asper amomum.
 Ecce vagæ pecudes Pastorem & ovilia quærunt,
 Et sua pugnaces repetunt præsepia tauri.